

*De preparatione Stibij, quod vulgus  
Antimonium vocat,*

*Caput XVI.*

**H**Vius Hungarici, vel aliàs optimi Germanici, libras aliquot accipe, quas in mortario subtilissimum in puluerem tere. Hunc in olla terrea per transversum supra carbones accensos collocata, rude ferrea tantisper agitas, donec propter fusionem in glebas fuerit conversus. Tum rursus in puluerem terendus est, vt priùs: & iterum assandus, quovscq; glebas contrahat. Hic processus toties erit iterandus, donec puluis ille splendorem suum penitùs amittat, ac in cinereum cœruleúmque colorem cõvertatur. Aliqui tamen illum tandiu torrent assantq; donec in albedinem sit redactus. Calcis huius partes accipe sex, & Chrysocollæ partem vnã, necnon Stibij crudi tantũ, quantum Chrysocollæ: quæ simul trita, calci misceantur per optimé. Puluerem hũc  
in